



UGUSTUS
TERTIUS,
 DEI Gratiâ, Ele-
 ctus Rex Poloniarum, Ma-
 gnus Dux Lithvaniae, Rusſiae,
 Prusſiae, Mazoviae, Samogitiae,
 Kyoviae, Volhinae, Podoliae,
 Podlachiae, Livoniae, Smolen-
 iciae, Severiae, Czernichoviae-
 que, &c. &c. Dux Haereditarius
 Saxoniae, & Princeps Elector.
 &c. &c.

Omnibus & ſingulis quorum intereſt, prae-
 fertim Dominis Senatoribus, Officialibus & Di-
 gnitariis, nec non univerſo Ordini Equeſtri Re-
 gni Poloniae, & Magni Ducatus Lithvaniae, an-
 nexisque Provinciis, hoc Univerſali Noſtro de-

X

nun-



nunciamus. Serenissimò quondam Parente Nostrò Nobis atque Reipublicae Poloniae nuper ereptò, folium tantò Rege orbatum non ob aliud magis conscendere optavimus, quam ut animò inclitam hancce Gentem amore & affectù prosequi ab incunabulis asuetò, Rempublicam pacatam, & ornatam capeßere, pietate ac prudentiâ moderari, & post fata nostra opimiozem successori, si Supremo Numini placuerit, transmittere liceret. Nihil verò Nobis Coronam liberrimae hujus Gentis ambientibus antiquius fuit curâ Legum, quas revereri à Parente non solum didicimus, sed & viribus à Deo Nobis creditis aetatem Nostram tueri constituimus, & ad quarum adeò praescriptam normam praevia Electione liberâ, Gentis inclitae judicio & amori Coronam acceptam ferre haud immerito desideravimus. Atque in hoc Nostrò proposito tam constantes quoque fuimus, ut etiamsi à non nullis, sui magis commodi quam Patriae memoribus & studiosis, graviter omnino laesi, atque ad sumendam ultionem provocati simus, indolem tamen Nostram, benefacere imprimis suetam sequi, ac vindictae rationem penitus dissimulare, quam suspicionem impeditae aliquò modò in eligendo Rege libertatis commovere maluerimus. Intellexerunt illud omnes, quotquot partium studiò non trahi sese passi sunt, atque sic favente tandem Numine Divinò, cujus scilicet solius arbitriò Regna dispensantur, accidit, ut optima Respublica ipsa
Re-

Regem Nos optaret, Electione ex praescripto Legum rite factâ proclamaret, ac tandem plures ex Senatu & Equestri Ordine, qui Nos requirerent, ut Reipublicae fasces libenti animo capesseremus, eidemque undiquaque afflictâe quantocyus succurreremus, ad Nos deputaret. Merito igitur immortalis Deo gratias ob id ipsum decentissimas persolvimus, quumque Nobis Respublica concordibus suffragiis Coronam suam obtulerit, mutuis vicissim amor Noster & propensio efflagitat, ut desiderio illius omnino satisfaciamus, atque eo id impensius, quô certius persuasum Nobis est, fiduciam illam, quam de Nobis Respublica non sine ratione maximam concepit, in dies confirmatum atque auctum iri, quando scilicet in id cumprimis admitemur, ut Rempublicam salvam habeamus & incolumem, Leges Ejus factas conservemus, Ejusdemque commoda, uti volunt Constitutiones & Sancita, sic promoveamus, ut liberatum à commotione intestina Regnum efflorescat, & è turbis tandem exsolvatur, quas male animati homines majori, quam posteritati credibile videri queat, animi fervore excitarunt, quique spretâ omni Legum sanctitate, & propriâ regnandi cupidine velut excoecati, malè prorsus rebus suis consultum fore arbitrati sunt, nisi consumtô in novandis rebus studiô rerum omnium confusionem introducerent, atque adeo vicinos quoque imperantes laesis foederibus adversus Rempublicam excitarent. His atque talibus probè ad-

modum Nobiscum ponderatis, propositum est Nobis, annuente Numine Supremò libertatem Patriae adversus quoslibet male feriatorum hominum insultus fortiter strenuèque vindicare, omniaque, ut paucis multa complectamur, ita instituere, ut pax inter singulos restituatur atque confirmetur, salus Reipublicae stabiliatur, subjectorum commoda in valeſcant, & tandem unicuique sua asserantur, prout Constitutiones Regni, atque alia Sancita, quibus tanquam fundamentò Respublica innitur, observari postulant. Iis autem commodis, ut par est, obtinendis, necessarium omninò duximus, ut Regnum Nobis demandatum, ad desideria afflictæ & oppressæ Reipublicae, exercitù stipati Nostrò sine mora ingrederemur, utpote quo certi de divina voluntate haud difficulter consequemur, ut nos pariter ac Respublica adversus cunctos, qui inquietandis rebus student, Patriaeque suae exitium venales querere videntur, defendamur, ac denique in tuto collocemur. Ut vero justitia causae Nostrae omnibus ac singulis tanto magis inclaresceret, neque actus Nostrî suspitionibus iniquis, vel malevolae interpretationi, quae animo nimirum Nostrò adversari posset, subjicerentur, praesentibus hisce declarare benignissime volumus, quidquid ea in re efficimus, illud unicè ad firmanda jura privilegiaque Reipublicae, nequaquam autem eò pertinere, ut alicui, si modo Patriae bene cupiat, vis aut damnum quòcunque
mo-

modò inferatur. Ostendit illud ipsum Exercitus
Noster qui tam numerosus videri haud potest, ut
inde metus aliquis vel suspicacissimae libertati sub-
nasci queat. Accedit etiam Regio huic verbo ac
promissò Nostro, quod complures Regni Proceres
& Magnates Nos committentur, quorum Consilia
ut libenter sequimur, ita etiam in posterum sequi
decrevimus, quique adeo Nobiscum nihil intermit-
tere studebunt, quod bono publico proficuum esse
possit. Hòc autem planè animò affecti noluimus
insuper, ut Copiae Nostrae oneri Reipublicae ef-
sent, atque ideo mandata jamjam dedimus, ut
quum sumtibus Nostris ali prorsus debeant, ipsae
singulas necessitates suas justo pretio redimant, Su-
premus autem Militiae illius Dux & Cohortium
Praefecti disciplinam militarem lege severissimâ cu-
stodiant, ne Respublica ejusve incolae detrimenti
quid ex iis capiant. Quumque adeo de Nostra
propensissima voluntate Respublica certa esse pos-
sit, nihil superest, quàm ut omnes atque singulos
memorati Regni inquilinos paternè etiam atque
etiam admoneamus, ut Exercitum Nostrum com-
meatù aliisque rebus necessariis amicè adjuvent, ce-
tera autem quisque in domicilio suo securus maneat,
commercia, opificia, vel si quo alio labore sit ad-
suetus, sine ulla formidine continuet, sibi que pe-
nitus persvadeat, neminem aut fortunas à Nobis
vel militibus nostris adficiat iri, nisi qui vel per-
vicaciâ, vel hostili quovis aliò conatù, gratiâ hâc
no-

nostrâ indignum ipse se reddiderit. Neque etiam diutius diâctae illae Copiae in Regno commorabuntur, quam necessarium fuerit, siquidem illius finibus jussu nostrô statim excessurae sunt, quam primum Respublica ab imminente periculo, & noxiis diffidiis soluta, libertas satis stabilita, leges autem remotis procul armis vigori & integritati suae restituae, atque adeo finis, cujus gratia armata manus adhibenda erat, ex sententia obtentus fuerit. Obtinebitur is autem hoc facilius, citiusque, si cuncti tam promptô & constanti auxiliô nostris Copiis subveniant, quam tenerô & paternô plane Nos affectu Reipublicae commoda nostris antepone, atque oppressores ejus coercere parati sumus. Denique eos etiam praesentibus hisce litteris ex connato Nobis Clementiae studio ad revertendum invitamus, qui adhuc speretô prorsus verô patriae suae bonô & incolumitate à Nobis & Republica sese disjunxerunt, iisdemque omnimodam offensarum oblivionem atque veniam pollicemur, si matura in sinum Reipublicae confugiant, atque in instantibus Regiae Coronationis nostrae solennibus itemque subsequenter Comitis vires suas in id potissimum, ut Patriae suae nimium disturbatae pristina tranquillitas & integritas reddatur, intendere haud amplius detrectaturi sint. De cetero non dubitamus, fore, uti DEus, cujus scilicet auspiciis haec omnia aggredimur, ac sine quo haud quidquam etiam futuro tempore suscipiemus, successus

No-

Nobis felicissimos largiatur, thronumque nostrum
ita tandem firmet, ut gloria ipsius ante omnia ad-
augeatur, & incrementa Reipublicae promovean-
tur. In majorem praemissorum fidem Universale
hoc propria manu subscripsimus Sigillòque Nostrò
muniri jussimus. Dabantur Dresdae Die VI. Men-
fis Novembris, Anno Domini M DCC XXXIII.

AUGUSTUS REX.



Cum Privil. Potentiss. Sarmatarum Regis & Elect. Sax. gratiosissimo.

DRESDAE, ex Officina Stoeffeliana.



UGUSTUS
TERTIUS,
DEI Gratiâ, Ele-
ctus Rex Poloniarum, Ma-

... Lithvaniae, Rusſiae,
Mazoviae, Samogitiae,
Volhinae, Podoliae,
... Livoniae, Smolens-
veriae, Czernichoviae-
... Dux Haereditarius
& Princeps Elector.

& ſingulis quorum intereſt, prae-
ſenatoribus, Officialibus & Di-
non univerſo Ordini Equeſtri Re-
& Magni Ducatus Lithvaniae, an-
cienſis hęc Univerſali Noſtrę de-
nun-

X

